

夫總統鈞鑒天佑民國三造共和合肥之功盡人知頌我

公之德托庇足多也而反對者流不顧大體反持刻論不
直合肥非議我

公合肥仍處以大度勵精圖治之不暇而我

公乃持以冷靜固辭職位之不遑以箇人之關係而論
進行固不如退處脫卸仔肩旁觀政局捐除煩惱修
養精神獨善之計至妙無上其如大局何哉溯自政
變以還國無元首將匝一月矣河間雖負代理之責

推戴者寡無幾人
遑論繼任
今者奉還大政之文已徧
告全國擁護我

公之電又占其多數勸

公復出者有人勸

公不出者亦有人勸

公復出者為中國之大局勸

公不出者為我

公之一身為一身計者或欲責難於人請退以保

名譽而待他日為大局計者乃欲責難於

公求出而解禁難以救當時一出一處孰重孰輕我
公當知所取也然若以法理而論總統職權受之國會
斷無向各省督軍省長通電辭卸之理況首都猝變
呼應不靈僅束縛一時之自由權宜之計電請副總統
代行職權可耳大難削平自由還我仍當就其職位藉
矯前失若藉此以為辭職之根據好事之徒恐有議其
藉故圖脫之非者茲者海軍已宣言獨立矣南省民黨

謀變不已分崩之兆已形羣龍之首爭現

公如忍見中原之破裂則已矣

公如不忍見中原之破裂則當順國人之請即日復職
以饜民望而奠國基遠佞親賢扶危定傾總理也自
公免之自

公任之既無不可國會也自

公解之自

公召之亦無不可從前之誤固知不由

公致以後之功甯亦不由

公成但求恢復五月以前之原狀收拾中國南北之人心勿開瓦解之端勿召瓜分之禍然後可以全

公之德正

公之名也儻乘此固辭而去南北兵釁必從此開兵禍相尋滅亡立至特恐貽誤大局之議他時有不肯為我

公厚恕者

公其三復思之勿以位卑之言塵穢視之則幸甚幸

甚急切越陳無任悚惶待罪之至 台南謹呈

上等嘉禾章候補縣佐公府內收發員周召南上書